

DARASA LA TANO
JARIBIO LA MTHANI
KISWAHILI - LUGHA

2015

JINSI YA KUTUMIA KARATASI YA MAJIBU

1. Tumia penseli ya kawaida tu.

2. Hakikisha umeandika kwa karatasi ya majibu:-

i) JINA LAKO

(ii) JINALASHULE YAKO

Muda: Saa 1 Dakika 40

Soma kifungu kifuatacho . Kina nafasi 1 mpaka 15. Kwa kila nafasi umepewa majibu manne hapo . Chaqua jibu lifaalo kujazia nafasi


Wanafunzi wa shule ya Bidii _____ 1 _____ wakielezewa jinsi ya _____ 2 _____ maji. Kwa miaka _____ 3 _____ eneo _____ 4 _____ la shule hiyo lilikuwa limekauka kama _____ 5 _____. Waliombwa kuhakikisha kuwa hawatumii maji _____ 6 _____. Eneo la Bidii lingebadilika iwapo maji _____ 7 _____ _____ 8 _____ mvua _____ 9 _____ masika _____ 10 _____ walitakiwa kuchimba mabwawa ili _____ 11 _____ maji ya mvua. Mwishowe wangetumia maji _____ 12 _____ kunyunyizia mashamba _____ 13 _____ na kuvuna mazao _____ 14 _____ na kupata vyakula _____ 15 _____.

- | | | | |
|--------------------|------------------|------------------|----------------|
| 1. A. ilikuwa | B. walikuwa | C. alikuwa | D. amekuwa |
| 2. A. kuhifadhi | B. kumwaga | C. kula | D. kupika |
| 3. A. nne | B. tatu | C. tano | D. sita |
| 4. A. zote | B. yote | C. lote | D. wote |
| 5. A. jangwa | B. maji | C. ugali | D. miti |
| 6. A. vizuri | B. ovyo | C. ipasavyo | D. vipasavyo |
| 7. A. ingepatikana | B. wangepatikana | C. yangepatikana | D. ilipatikana |
| 8. A. Hivyo basi | B. Kwao sasa | C. Hata hivyo | D. Kumbe |
| 9. A. wa | B. la | C. cha | D. ya |
| 10. A. uliponyesha | B. liliponyesha | C. kiliponyesha | D. iliponyesha |
| 11. A. kuutega | B. kuyatega | C. kulitega | D. kuitega |
| 12. A. hayo | B. hilo | C. hizo | D. huo |
| 13. A. zao | B. lao | C. wao | D. yao |
| 14. A. nyingi | B. nyingine | C. mengi | D. wengi |
| 15. A. nyingi | B. zingi | C. vingi | D. kingi |

Kuanzia swali nambari 16 - 30, chagua jibu lifaalo.

16. Ndizi ambazo zimeiva huwa na rangi gani?
A. Manjano B. Nyeupe
C. Nyeusi D. Kijani
17. **Andika sentensi ifuatayo kwa wingi:**
Kitabu cha kuandikia huitwa daftari.
A. Vitabu za kuandikia huitwa daftari
B. Vitabu vya kuandikia huitwa daftari.
C. Vitabu vya kuandikia huitwa madaftari
D. Vitabu za kuandikia huitwa madaftari
18. **Kanusha:** Ninaenda sokoni kununua embe.
A. Siendi sokoni kununua embe.
B. Sijaenda sokoni kununua embe.
C. Sitaenda sokoni kununua embe
D. Sikuenda sokoni kununua embe
19. Maana ya semi: **aga dunia** ni
A. kufa B. kula
C. kuimba D. kutoroka
20. **Kamilisha methali ifuatayo:**
Haba na haba ____
A. ni haba mbili B. hujaza kibaba
C. huleta kubaba D. hubabaisha sana
21. Chagua kundi ambalo linafanana
A. Kalamu, rula, gari, mtoto
B. Noti, meza, rula, sikio
C. Kibuyu, kiroboti, kikombe, kipepeo
D. Chai, soda, uji, maji
22. **Tegua kitendawili:**
Nimetoka ikulu nikiwa nimejishika kiuno
A. sikio B. kikombe
C. pikipiki D. ndege
23. Sakafu _____ itapigwa deki.
A. yote B. zote
C. wote D. nyote

24. Chagua sentensi iliyo katika wakati timilifu
A. Waliondoka asubuni na mapema.
B. Ameenda jikoni kula chakula
C. Wote wataadhibiwa kwa utovu wa nidhamu.
D. Wanafagia chumba cha kulala
25. Wanafunzi watano waligawana chungwa moja na kila mmoja akapata kipande sawa na wengine. Je kila mmoja alipata ____
A. thumni B. humusi
C. sudusi D. subui
26. Tambua umbo lifuatalo



- A. kipenyo B. mstari wima
C. mstari sambamba D. nusu kipenyo
27. Chagua sentensi sahihi
A. Kitabu yake imepotea
B. Kalamu lao limeanguka.
C. Taifa la Kenya lina watu wengi.
D. Miguu yao yanauma sana.
28. **Andika kinyume cha:** Hama
A. hamwa B. hamishwa
C. hamia D. hamisha
29. Wewe _____ uliyepita mtihani vizuri.
A. ndiwe B. ndiye
C. ndio D. ndie
30. **Kamilisha sentensi**
Tamu kama
A. unga B. mandazi
C. uji D. asali

Soma ufahamu kisha ujibu maswali yafuatayo kuanzia 31 - 40

Hapo zamani za kale palikuwa na fisi. Fisi pia huitwa shumndwa. Alifanya urafiki na mwana wa mfalme. Kila walipopata nafasi walitembeleana. Mtoto wa mfalme alimjulisha baba yake kuhusu mgeni wake. Mfalme naye alimkaribisha kwa mikono miwili. Fisi naye alishukuru sana kwa kupata mwaliko huo.

Kuanzia hapo, fisi akawa mgeni wa mara kwa mara wa mfalme. Hapo aliweza kuvutiwa na binti ya mfalme. Aliomba posa na ikakubaliwa. Fisi alishukuru sana. Aliona ndoto yake ya kuwa na mke ilikuwa imetimia.

Walipokuwa wakiondoka kutoka bomani pa mfalme fisi aliwaona kondoo wanono karibu na lango. Alianza kuwamezea mate. Aliaapa kurudi wakati wa usiku na kumla mmoja. Kumbe hakuwa akitania. Usiku mkuu, alichechemea hadi walipokuwa kondoo. Alimla mmoja lakini alisikika. Alishikwa akiiba na akapigwa sana na familia ya mfalme. Mfalme kuona hivyo, alibadilisha uamuzi wake wa awali. Aliamua kuwa binti yake hangeolewa na fisi mwenye tamaa.

- | | |
|---|---|
| <p>31. Kukaribisha kwa mikono miwili huonyesha kuwa</p> <p>A. kuna huzuni</p> <p>B. kuna msiba</p> <p>C. kuna furaha</p> <p>D. kuna mabishano</p> <p>32. Fisi alifanya urafiki na nani?</p> <p>A. Mwana wa punda</p> <p>B. Mwana wa mfalme</p> <p>C. Mwana wa rais</p> <p>D. Mwana wa kondoo</p> <p>33. Fisi alitaka kumwoa</p> <p>A. malkia wa mfalme</p> <p>B. bibi ya mfalme</p> <p>C. binti ya mfalme</p> <p>D. kondoo wa mfalme</p> <p>34. Fisi alitamani sana</p> <p>A. kuwa na bwana</p> <p>B. kuwa na ndoto</p> <p>C. kuwa na mke</p> <p>D. kuwa na mwana wa mfalme</p> <p>35. Kondoo wa mfalme</p> <p>A. walikuwa wanono</p> <p>B. walikuwa wakondefu</p> <p>C. walikuwa wajinga</p> <p>D. walikuwa washenzi</p> | <p>36. Kondoo wa mfalme walikuwa</p> <p>A. karibu na lango</p> <p>B. karibu na nyumba</p> <p>C. ndani ya nyumba</p> <p>D. nyuma ya lango</p> <p>37. Kumezea mate ni sawa na</p> <p>A. kutoka mate</p> <p>B. kuangalia kwa makini</p> <p>C. kutamani</p> <p>D. kuhisi njaa</p> <p>38. Kondoo waliibwa saa ngapi?</p> <p>A. Adhuhuri</p> <p>B. Asubuhi na mapema</p> <p>C. Usiku mchanga</p> <p>D. Usiku mkuu</p> <p>39. Hali ya fisi kushikwa akimwiba kondoo inaelezwa na methali</p> <p>A. Asiyesikia la muu huvunjika guu</p> <p>B. Baada ya dhiki faraja</p> <p>C. Siku za mwizi ni arubaine</p> <p>D. Chururu si ndondondo</p> <p>40. Mfalme alitaka binti yake aolewe na mtu</p> <p>A. asiye na tamaa</p> <p>B. mfalme kama yeye</p> <p>C. aliye na tamaa</p> <p>D. aliye na chuki</p> |
|---|---|

Soma kifungu kisha ujibu maswali 41 - 50

Hali ya hewa imebadilika sana. Joto limepanda sana na kuwa jingi zaidi. Hili ni jambo ambalo limewafanya wanasayansi kutoka kote ulimwenguni kuungana ili kutafuta suluhu ya tatizo hili. Mvua inanyesha bila kutarajiwa hasa hapa mjini Nairobi. Juzi nyumba zote zilikuwa zimezama. Nilishangaa nilipoona nyumba ya familia ya rafiki yangu Ouma ikiwa imejaa maji. Mvua hii haikutarajiwa na yeyote.

Baraza la jiji linastahili kuwa na mipango ya ni vipi linaweza kuzuia shida ya mafuriko. Mji wa Nairobi ulipata hasara kubwa sana, Barabara ziliharibika, nyumba zikabomoka na hasara kubwa zaidi ilikuwa vifo vya wakazi kumi na watatu.

Watabiri wa hali ya hewa nao lazima wajue kutoa utabiri wa kweli. Siku hizi watu wengi wanakosa imani nao. Swali ni je, kama watahindwa na majukumu yao, Mkenya wa kawaida atategemea nani?

41. Hali ya hewa imebadilika vipi ?

- A. Joto limepungua sana
- B. Joto limeongezeka sana
- C. Joto linapuliza sana
- D. Hakuna joto hata kidogo

42. Mvua inayonyesha mjini

- A. huwa haijatarajiwa
- B. huwa imetarajiwa
- C. ni ile ndogo ndogo
- D. haileti hasara hata kidogo

43. Nyumba iliyo zama katika maji ni

- A. ile ya familia ya mwandishi
- B. ile ya familia ya rafiki ya mwandishi
- C. ile ya jamaa ya akina mwandishi
- D. ile ya jirani yake mwandishi

44. Mipango inastahili kutolewa na

- A. bodi ya jiji
- B. paneli ya jiji
- C. umati wa jiji
- D. baraza la jiji

45. Hasara kubwa kuliko zote iliyotokea jijini ilikuwa gani ?

- A. Barabara za lami kuharibika
- B. Nyumba kubomoka
- C. Maji kujaa katika nyumba
- D. Kuangamia kwa watu

46. Watabiri wa hali ya hewa

- A. huishi mbinguni
- B. ni sawa na Mungu
- C. wameokoka wote
- D. hueleza watu jinsi hali ya anga ilivyo

47. Dawa ya joto kuzidi inatafutwa na

- A. Wakenya wote
- B. wanasayansi wa Kenya
- C. wanasayansi wa dunia yote
- D. wanasayansi wa mbinguni

48. Jukumu la watabiri ni

- A. kutoa utabiri wa uongo
- B. kutoa utabiri wa kando
- C. kutoa utabiri wa kweli
- D. kutoa utabiri mrefu

49. Rafiki ya mwandishi aliitwa

- A. Onyango
- B. Ouma
- C. Umaa
- D. Mauma

50. Kichwa mwafaka kwa makala haya ni

- A. Mji wa Nairobi
- B. Joto jingi mjini
- C. Mvua ya masika
- D. Hali ya hewa mjini.